

CONVENIO DE COLABORACIÓN ENTRE A DEPUTACIÓN DE PONTEVEDRA E O CLUB DE REMO CHAPELA PARA AXUDAR O FINANCIAMENTO DOS GASTOS DE PARTICIPACIÓN NA EUSKOLABEL LIGA

En Pontevedra, na data da sinatura dixital,

REÚNENSE

Dunha parte, Luis López Diéguez, presidente da Deputación de Pontevedra, quen actúa en virtude das competencias que se lle atribúen no artigo 34.1.b da Lei 7/1985, de 2 de abril, reguladora das bases do réxime local (LRBRL).

Da outra, Antonio Viaño Loureiro, presidente do Club de Remo Chapela, na representación desta e no exercicio das facultades atribuídas para o efecto polos seus estatutos.

Dá fe do acto, por delegación de competencias mediante a Resolución presidencial núm. 2026002662 do 1 de abril de 2026, Beatriz del Cerro del Río, vicesecretaria da Deputación de Pontevedra.

Ambas as partes recoñécense con capacidade para formalizar este convenio e, conforme aos principios de colaboración, cooperación, coordinación e eficacia que deben presidir as actuacións das administracións públicas,



EXPOÑEN QUE

Primeiro. Os convenios son acordos con efectos xurídicos adoptados polas administracións públicas, os organismos públicos e as entidades de dereito público vinculados ou dependentes ou as universidades públicas entre si ou con suxeitos de dereito privado para un fin común, tal e como se establece no artigo 47 da Lei 40/2015, de 1 de outubro, de réxime xurídico do sector público (LRXSP).

Segundo. No artigo 36.d da LRBRL dispónse que lles corresponderá ás deputacións a cooperación no fomento do desenvolvemento económico e social e de planificación no territorio provincial, de acordo coas competencias das demais administracións públicas neste ámbito. Así mesmo, no artigo 109.d da Lei 5/1997 de 22 de xullo de Administración local de Galicia, establécese que serán competencias propias das deputacións provinciais as que baixo este concepto se lles atribúan nas leis e, en calquera caso, entre outras, o fomento e a administración dos intereses peculiares da provincia.

Terceiro. Segundo o artigo 7 da Lei 3/2012, de 2 de abril, do deporte de Galicia (LDG), e nos termos dispostos nesta lei, na lexislación de réxime local e na lexislación sectorial do Estado, as deputacións provinciais exercerán as seguintes competencias no seu correspondente ámbito territorial:

- Fomentar e difundir o deporte.
- Colaborar cos municipios para garantir a prestación integral e adecuada de actividades deportivas e impulsar a xestión mancomunada destas.
- Calquera outra actuación en beneficio do desenvolvemento deportivo local, comarcal ou provincial.

Cuarto. No artigo 40 da LDG defínense tanto as entidades deportivas coma o obxecto primordial destas, que é o fomento e o impulso da práctica continuada dunha ou de varias modalidades deportivas, así como a participación en actividades e competicións deportivas calquera que sexa o seu nivel e persoa destinataria. Por outra banda, no artigo 29 desta mesma lei sinalase que as administracións deportivas de Galicia —no ámbito das súas respectivas



competencias e coa colaboración, no seu caso, doutras entidades e organizacións, públicas ou privadas— facilitarán alternativas e medios para a práctica da actividade física que leven a cabo as persoas físicas, individual ou colectivamente, co principal obxectivo de mellorar a condición física e a ocupación activa do tempo de lecer.

Quinto. No artigo 22.2 da Ordenanza Xeral de subvencións da Deputación de Pontevedra dispónse que as subvencións se poderán conceder de forma directa cando estean consignadas con carácter nominativo no orzamento.

O Pleno da Deputación de Pontevedra, na súa sesión ordinaria do 26 de decembro de 2025, acordou a aprobación definitiva do Orzamento xeral da Deputación para o exercicio de 2026. Así mesmo, o Pleno desta institución aprobou, na súa sesión ordinaria do 27 de febreiro de 2026, o expediente de modificación de crédito número 1/2026, publicado no *Boletín Oficial da Provincia de Pontevedra* (BOPPO) núm. 62 do 1 de abril de 2026, no cal se inclúe unha subvención nominativa para o Club de Remo Chapela por un importe de trinta e cinco mil euros (35.000,00 €).

Sexto. Debe terse en conta que os actos de concesión de subvencións (acordo, resolución ou convenio) terán o carácter de bases reguladoras e deben incluír, como mínimo, os extremos recollidos no artigo 15.6 da Ordenanza xeral de subvencións da Deputación de Pontevedra.

Sétimo. O Servizo de Deportes, como órgano instructor, emitiu un informe no que se acredita que o expediente de petición de subvención reúne os requisitos recollidos na Lei 38/2003, de 17 de novembro, xeral de subvencións (LXS), así como o establecido na Ordenanza xeral de subvencións da Deputación de Pontevedra, e a Intervención informa favorablemente a fiscalización previa á concesión da subvención.

Oitavo. Para que as dúas entidades poidan cumprir cos seus obxectivos e así garantir que a poboación da provincia de Pontevedra poida acceder en igualdade á practica deportiva de alto nivel,



ACORDAN

Formalizar o convenio de colaboración entre a Deputación de Pontevedra e o Club de Remo Chapela coa finalidade de que o club participe nas competicións da tempada de 2026 (en diante aparecerá denominado como "convenio"), o cal estará suxeito ás seguintes

CLÁUSULAS

Primeira. Obxecto do convenio

Este convenio ten por obxecto regular a concesión da subvención prevista nominativamente no Orzamento de 2026 da Deputación de Pontevedra ao Club de Remo Chapela como club da provincia de Pontevedra que participa na máxima categoría do remo de banco fixo de traíñeiras, a Euskolabel Liga.

A finalidade deste convenio é colaborar co financiamento dos gastos derivados da actividade competitiva do club para a tempada de 2026, desde o 1 de xaneiro ata o 31 de decembro de 2026.

Segunda. Obrigas da Deputación de Pontevedra

O organismo provincial comprométese a:

- Aprobar e comprometer o gasto da subvención prevista nominativamente no Orzamento de 2026 da Deputación de Pontevedra ao Club de Remo Chapela (G- 36 039 915) e aboar o importe de 35.000,00 €, condicionado ao cumprimento dos termos establecidos neste convenio.
- Tramitar, resolver e notificar o convenio nos termos establecidos nel.

Terceira. Obrigas do Club de Remo Chapela

O Club de Remo Chapela comprométese a:

- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
- Xustificar ante o órgano concedente ou a entidade colaboradora, no seu caso, o cumprimento dos requisitos e das condicións, así como a realización da actividade e o cumprimento da finalidade que determinen a concesión ou o gozo da subvención.



- Cumprir coas medidas de publicidade e difusión nos termos regulamentariamente establecidos na cláusula oitava do convenio.
- Estar ao corrente no momento da concesión e da xustificación das obrigas tributarias coa Axencia Estatal Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra, e non ter obrigas ou incumprimentos pendentes, de calquera tipo e non só económicos, coa institución provincial. No caso de non estar ao corrente do cumprimento das obrigas anteriormente citadas no momento da comprobación, notificaráselle á entidade que emende e xustifique se ten regularizada a súa situación. De non achegar esta xustificación, quedará excluída e non poderá obter a condición de beneficiaria.
- Someterse ás actuacións de comprobación do órgano concedente ou da entidade colaboradora, no seu caso, así como calquera outra de comprobación e control financeiro que poidan realizar os órganos de control competentes, tanto nacionais coma comunitarios, e achegar canta información se lle requira no exercicio das actuacións anteriores.
- Comunicarlle ao órgano concedente ou á entidade colaboradora a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes de xustificar a aplicación dada aos fondos percibidos.
- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos se requiran nas bases reguladoras das subvencións, coa finalidade de garantir o adecuado exercicio das facultades de comprobación e control.
- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- Cumprir co disposto no artigo 43 da LDG, polo que deberá levar os libros contables susceptibles de xustificar a exactitude dos resultados das operacións económicas realizadas e que reflectan a imaxe fiel da súa actividade económica. As contas presentaranse adaptadas á temporada deportiva, cando esta non coincida co ano natural; non presentalas será causa de reintegro.



- As entidades beneficiarias deberán aprobar a liquidación da tempada obxecto da subvención. O acordo aprobarao a asemblea ou o órgano competente da entidade deportiva, e nel referiranse, de xeito expreso e con carácter mínimo, o importe total dos gastos e o de ingresos e o resultado da tempada.
- Cumprir cos demais supostos previstos neste convenio ou calquera outra obriga recollida no artigo 14 da LXS.

Cuarta. Crédito orzamentario, orzamento, contía e coeficiente de financiación

A concesión da subvención imputarase con cargo á aplicación orzamentaria 26/340.3410.489.02.

O importe da subvención ten unha contía de 35.000,00 €, o que supón un coeficiente de financiamento do 25,83 % sobre o orzamento detallado do proxecto obxecto da subvención presentado polo club, por un importe de cento trinta e cinco mil cincocentos euros (135.500,00 €), incluído o IVE, e que se achega no anexo II.

Orzamento	Subvención concedida	Coeficiente de financiación
135.500,00 €	35.000,00 €	25,83 %

Quinta. Compatibilidade e incompatibilidade

A subvención será compatible con outras subvencións, axudas, ingresos ou recursos para a mesma finalidade, procedentes de calquera outra Administración ou ente público ou privado. Conforme ao disposto no artigo 19.3 da LXS e no artigo 17.3 da Lei 9/2007, de 13 de xuño, de subvencións de Galicia (LSG), “o importe das subvencións en ningún caso poderá ser de tal contía que, en illamento ou en concorrencia con outras subvencións, axudas, ingresos ou recursos, supere o custo da actividade subvencionada”.

A subvención será incompatible con calquera subvención para a mesma persoa beneficiaria e a mesma finalidade, con cargo a créditos desta Deputación e os seus organismos dependentes, en especial, coas convocatorias de subvencións a clubs deportivos da provincia de Pontevedra de ámbito inferior ao estatal, estatal e náutico para o ano 2026 da Deputación de Pontevedra.



Sexta. Notificación electrónica

As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

Sétima. Procedemento de xustificación e pago

A entidade beneficiaria da subvención deberá xustificar o cumprimento da finalidade para a que se lle concedeu a subvención. O prazo de presentación das xustificacións finalizará o 31 de xaneiro de 2027.

As entidades beneficiarias deberán presentar a xustificación obrigatoriamente por medios electrónicos a través do modelo "2887054 Trámites administrativos xenéricos distintos da solicitude", dispoñible en <https://sede.depo.gal>.

Para a xustificación, as entidades beneficiarias deberán presentar a seguinte documentación:

- **Anexo II. Conta xustificativa de gastos e ingresos**

Na xustificación de gastos, relacionaranse os conceptos de gastos presentados no anexo II coa solicitude por un importe igual ou superior ao orzamento presentado.

- No caso de que se xustifiquen gastos inferiores ao orzamento presentado coa solicitude, aboarase a parte proporcional da subvención.
- No caso de necesitar relacionar máis gastos utilizarase o documento de continuación da conta xustificativa (anexo III).

Na xustificación de ingresos, relacionaranse as axudas concedidas por outros organismos públicos para a finalidade subvencionada e declararase que o importe das subvencións concedidas por outros organismos públicos e os fondos propios ou privados para a actividade ou o investimento subvencionado non superou o importe total dos gastos para a devandita actividade. No caso de superávit, será motivo de reintegro, co límite da subvención concedida pola Deputación de Pontevedra.

- **Facturas ou documentos análogos** con valor probatorio no ámbito mercantil e administrativo polo importe da subvención concedida.



- **Anexo IV.** Memoria na que se xustifiquen as medidas de publicidade e difusión da subvención, por medio de fotografías que mostren de forma clara e inequívoca cada unha das actuacións requiridas.
 - Se a entidade non xustificase correctamente as medidas de publicidade e difusión, o Servizo de Deportes poderá establecer unha dedución máxima de ata o 15 % sobre o importe da subvención. Para a imposición destas deducións, non fará falta tramitar un procedemento especial distinto ao da xustificación da subvención, e no pago da subvención descontarase o importe da dedución do importe concedido.

Outras normas que se deben ter en conta na xustificación:

- Co fin de facilitar o cumprimento das obrigas de xustificación, o club poderá presentar unha xustificación parcial sempre que o importe xustificado nesta primeira fase supere o 50 % do orzamento achegado coa solicitude. En tal caso, a xustificación restante deberá presentarse dentro do prazo xeral establecido.
- Os gastos indicados na conta xustificativa deben pagárselles ás súas ou aos seus provedores antes de presentar a xustificación da subvención. No caso de que o club non dispoña de fondos nese momento, terá un prazo máximo dun (1) mes desde que perciba a subvención para efectuar eses pagos. Se posteriormente, mediante control financeiro, se comprobase que algún dos gastos non se pagou ou se fixo fóra de prazo, este deixará de ser subvencionable.
- As entidades beneficiarias das subvencións provinciais deben empregar, con carácter xeral, formas de pago a terceiras persoas que poidan acreditarse mediante un documento expedido por unha entidade financeira no que queden identificados a ou o beneficiario, o importe e a data de pago (tarxetas bancarias de crédito ou débito, talóns nominativos, transferencias bancarias etc.), e só excepcionalmente poderá empregarse o pago en metálico cando non sexa posible outra forma alternativa. O incumprimento desta disposición para algún gasto que supere o importe de novecentos euros (900,00 €) implicará que este se considere non subvencionable.
- En caso de clubs que non teñan contabilidade, os gastos que non se paguen mediante unha entidade financeira non se considerarán subvencionables.



- Unha vez vencido o prazo de xustificación sinalado nestas bases ou, no seu caso, o establecido na prórroga sen que a entidade beneficiaria presente a documentación xustificativa, o Servizo de Deportes requiriralle que o faga no prazo improrrogable de quince (15) días. Pasado este prazo sen que a entidade interesada atenda o requirimento, entenderase que renuncia á subvención, e dítase a resolución de perda do dereito ao cobro, que se lle notificará á entidade beneficiaria.

A subvención aboarase unha vez aprobada a xustificación e o pagamento realizarase mediante unha transferencia bancaria á conta indicada na solicitude.

No caso das entidades que presenten a xustificación parcial, procederase ao pago das partes proporcionais da subvención unha vez aprobadas as devanditas xustificacións.

Para cobrar a subvención, os clubs deberán estar ao corrente das súas obrigas tributarias coa AEAT, coa ATRIGA, coa Seguridade Social e coa Deputación de Pontevedra.

Oitava. Medidas de publicidade e difusión

As entidades beneficiarias destas axudas deberán levar a cabo as seguintes actuacións en materia de difusión ou publicidade:

- **Camiseta oficial do equipo.** Incorporar a imaxe corporativa da Deputación de Pontevedra, cunha medida estándar de 25 x 8 cm nas camisetas oficiais do equipo polo que recibe a subvención (tanto no primeiro coma no segundo equipamento), na parte dianteira da camiseta. O incumprimento desta actuación podería implicar unha dedución de ata o 10 % da subvención concedida.
- **Camisetas oficiais do resto de equipos.** Incorporar a imaxe corporativa da Deputación de Pontevedra nas camisetas oficiais do resto de equipos do club, nun lugar visible e proporcional ao resto de administracións; en todo caso, deberá ter unha medida estándar de 10 x 5 cm. O incumprimento desta actuación podería implicar unha dedución de ata o 5 % da subvención concedida.
- **Roupa de adestramento.** Incorporar a imaxe corporativa da Deputación de Pontevedra na roupa de adestramento do equipo polo que recibe a subvención, nun lugar visible e proporcional ao resto de administracións; en todo caso, deberá ter unha medida estándar de 10 x 5 cm. O incumprimento desta actuación podería implicar unha dedución de ata o 5 % da subvención concedida.



- **Roupa de viaxe.** Incorporar a imaxe corporativa da Deputación de Pontevedra na roupa de viaxe do equipo polo que recibe a subvención, nun lugar visible e proporcional ao resto de administracións; en todo caso, deberá ter unha medida estándar de 10 x 5 cm. O incumprimento desta actuación podería implicar unha dedución de ata o 3 % da subvención concedida.
- **Pancartas publicitarias.** Incorporar un mínimo de seis pancartas coa imaxe corporativa da Deputación de Pontevedra na instalación onde se xoga como locatario a competición. Cada pancarta deberá ter un tamaño mínimo de 5 x 1 m e colocarse unha en cada fondo e dúas en cada lateral nun lugar visible da instalación. No caso de non ter instalación onde se xoga como locatario, as entidades deberán colocar unha pancarta de 5 x 1 m nas instalacións ou na sede do club. O incumprimento desta actuación podería implicar unha dedución de ata o 3 % da subvención concedida.
- **Outros medidas ou soportes publicitarios**
 - Vehículos oficiais do club. Todas as entidades que dispoñan dun vehículo oficial do club deberán incorporar a imaxe da Deputación de Pontevedra nun lugar visible e de forma proporcional ao resto de administracións.
 - Carteis oficiais. Todas as entidades que leven a cabo carteis oficiais deberán incorporar a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.
 - Paneis traseiros para eventos ou actos do club, coma roldas de prensa, presentacións, comunicacións ou premios. Todas as entidades que leven a cabo estas accións deberán incluír a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.
 - Espazo dixital do club (páxinas web e redes sociais). Todas as entidades que leven a cabo as devanditas accións deberán incorporar a imaxe corporativa da Deputación nas cabeceiras ou nos apartados de colaboradores ou patrocinadores das entidades. Nas redes sociais será obrigatorio aparecer nas cabeceiras ou fotos de perfil. As entidades deberán nomear a Deputación sempre que se etiqüete o resto de entidades ou administracións colaboradoras.
 - Outros soportes publicitarios. No caso de que as entidades realicen outras accións ou medidas publicitarias, coma retransmisións en directo, colocación de pantallas



led na pista ou calquera outra, deberán incorporar a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.

- O incumprimento destes apartados podería implicar unha dedución de ata o 5 % da subvención concedida.

Todos os gastos derivados da produción dos elementos publicitarios mencionados correrán a cargo da entidade subvencionada, que se compromete a actualizar todos estes soportes publicitarios antes de presentar a xustificación.

A Deputación de Pontevedra, en todo caso, poñerá á disposición das entidades subvencionadas os logotipos oficiais da imaxe corporativa en www.depo.gal (área de descargas).

Se non se puidese incluír a imaxe da Deputación de Pontevedra nos termos establecidos, deberase xustificar adecuadamente e propoñer unha alternativa, que requirirá a conformidade do Servizo de Deportes e non implicará ningunha dedución.

As entidades solicitantes deberán ter en conta estas medidas de difusión á hora de deseñar novos equipamentos ou calquera outra actuación.

Novena. Entrada en vigor e vixencia do convenio

O convenio entrará en vigor no momento da súa sinatura e terá vixencia ata o 31 de decembro, data na que remata a actividade competitiva do club para a tempada de 2026. En calquera caso, os efectos económicos do convenio estarán vixentes ata a aprobación do procedemento de xustificación da subvención e do control financeiro.

Décima. Extinción e efectos da resolución dos convenios

Este acordo resolverase polas causas e cos efectos establecidos nos artigos 51 e 52 da Lei 40/2015, de 1 de outubro, de réxime xurídico do sector público (LRXSP). En particular, resolverase polo incumprimento, total ou parcial, dalgunha das cláusulas que o regulan.

Décimo primeira. Reintegro ou perda do dereito ao cobro da subvención

As subvencións concedidas deberán reintegrarse cando as causas sexan posteriores ao pagamento destas.



Perderase o dereito ao cobro da subvención, total ou parcial, no suposto de falta de xustificación ou de concorrencia dalgunha das causas previstas na lexislación de subvencións e, en concreto, nos seguintes supostos:

- Por incumprir as obrigas establecidas con motivo da concesión da subvención.
- Por incumprir a obriga de presentar a xustificación nos termos establecidos.
- Polas demais causas establecidas na normativa de subvencións.

Décimo segunda. Control financeiro

O beneficiario, de acordo co establecido nos apartados 5 e 6 do artigo 31 da Ordenanza xeral de subvencións da Deputación, publicada no BOPPO núm. 249 de 30 de decembro de 2016, estará suxeito ao control financeiro que se poida exercer no prazo de catro anos, contados a partir do pago da subvención, e indicaráselle que, no caso de non ter contabilidade fiable, só serán subvencionables os gastos que se poidan acreditar mediante extractos bancarios (independentemente do importe destes).

O control financeiro fará referencia á totalidade de gastos e ingresos da actividade subvencionada, que deberá integrar todos os gastos finais resultantes dos gastos subvencionables do anexo II presentado coa solicitude, así como o resto de gastos que a entidade estime imputables á tempada (posibles gastos que non se reflicten no anexo II).

Esta contabilidade deberá estar recollida nos libros contables coa totalidade de gastos e de ingresos; en caso de ser positiva, a entidade deberá reintegrar o importe resultante, conforme á lexislación vixente, na que se indica que o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

A determinación de inicio e finalización da tempada, así como que gastos e ingresos se lle imputan á tempada obxecto da subvención, é importante, sobre todo, de existir outras actividades complementarias, non incompatibles co seu obxecto social, de carácter industrial, comercial ou de servizos, así como destinar os seus bens ou recursos a estes obxectivos (como poden ser escolas deportivas, eventos, campus deportivos...). Estas deberán recollerse nos libros contables de maneira independente e, no caso de que a entidade presente un balance anual positivo, debe quedar reflectido en que actividade se imputa ese superávit; en todo caso, tal como establece a lei, os ingresos obtidos por estas actividades empregaranse para cumprir o obxecto social e non poderán ser repartidos directa ou indirectamente entre os seus membros.



Décimo terceira. Remisión ao Tribunal de Contas

As partes comprométense a remitir-lle a documentación necesaria ao Tribunal de Contas, en cumprimento do establecido no artigo 53 da LRXSP e na Resolución do 2 de decembro de 2016 da Presidencia do Tribunal de Contas, pola que se publica o Acordo do Pleno do 24 de novembro de 2016, polo que se aproba a instrución relativa á remisión telemática ao Tribunal de Contas de convenios e de relacións anuais dos realizados polas entidades do sector público local, todo iso no prazo e na forma establecidos para o efecto.

Décimo cuarta. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento baséase no cumprimento dunha tarefa en interese público ou no exercicio de poderes públicos segundo as normas de rango legal recollidas no apartado "Normativa aplicable", dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia e ao público xeral dada a publicación de actos prevista.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

Décimo quinta. Réxime xurídico e lexislación aplicable

Este convenio ten natureza administrativa e rexerase polo disposto no capítulo VI do título preliminar da LRXSP.

Para resolver cantas dúbidas ou lagoas puidesen producirse na interpretación, execución, efectos, modificación e resolución do acordo, aplicárase o disposto no propio acordo e, na súa falta, na LRXSP, na Lei 9/2007, de subvencións de Galicia, na LXS, na Ordenanza xeral de subvencións da Deputación de Pontevedra e as Bases de execución do Orzamento da Deputación de Pontevedra para o exercicio de 2026, na LRBRL, na Lei 39/2022, de 30 de decembro, do deporte e na LDG.



As partes comprométense a tentar resolver de maneira amigable calquera desacordo que puidese xurdir no desenvolvemento, interpretación, cumprimento, extinción e efectos deste acordo. En caso de non ser posible unha solución amigable, e resultar procedente litixio xudicial, a xurisdición competente para coñecer e resolver devanditas cuestións será a contencioso-administrativa, de conformidade coa Lei 29/1998, de 13 de xullo, reguladora da xurisdición contencioso-administrativa.

En proba de conformidade, as partes asinan este convenio dixitalmente.



**SUBVENCIONS NOMINATIVAS DO SERVIZO DE DEPORTES
PREVISTAS NOMINATIVAMENTE NOS ORZAMENTOS DA DEPUTACIÓN
ANEXO II – ORZAMENTO DETALLADO DO PROXECTO OBXECTO DE SUBVENCIÓN**

DATOS DA ENTIDADE SOLICITANTE

Club deportivo:

CLUB DE REMO CHAPELA

NIF:

G36039915

GASTOS DA ACTIVIDADE SUBVENCIONADA

GASTOS	
Gastos federativos: os que correspondan a gastos emitidos polas federacións deportivas da actividade deportiva subvencionada.	€ 6.500,00
Gastos de competición e adestramento: Serán os gastos que correspondan a desprazamentos, aloxamento, manutención, alugueiro de instalacións deportivas, quilometraje ou similar da actividade deportiva subvencionada.	€ 85.000,00
Gastos de persoal: Serán os gastos que correspondan a soldos, salarios ou retribucións unicamente dos deportistas, técnicos, adestradores, ou calquera outro axente necesario para a práctica da actividade deportiva subvencionada.	€ 30.000,00
Gastos de material deportivo: Os que correspondan a vestimenta e equipamento deportivo non inventariable, así como, a reparación e mantemento do material deportivo necesario para a práctica deportiva subvencionada.	€ 11.000,00
Gastos sanitarios: os relacionados coa saúde das e dos deportistas no desenvolvemento da actividade deportiva subvencionada.	€ 3.000,00
TOTAL GASTOS	€ 135.500,00

INGRESOS DA ACTIVIDADE SUBVENCIONADA

Axudas concedidas por outros organismos públicos para a finalidade subvencionada

ORGANISMO	INGRESOS
DEPUTACION PONTEVEDRA	€ 35.000,00
Fondos propios ou privados para a actividade/investimento subvencionado	€ 100.500,00
TOTAL INGRESOS	€ 135.500,00

SINATURA

**36099147A ANTONIO
VIAÑO (R: G36039915)**

Firmado digitalmente por 36099147A
ANTONIO VIAÑO (R: G36039915)
Fecha: 2026.05.06 13:59:51 +02'00'

Lugar e data:

Redondela, 24 de **abril** de 2026

